

## Болакайниң сабоги



14:05 / 21.12.2019 3520

Бир отахон үғлиниң күчиб келди. Үғли оилали, түрт яшар фарзанди ҳам бор эди.

Отанинг ёши бир жойга бориб қолган, құллари қалтира, құзлари хира күрар, оёқларини зүрға судраб юрарди.

Оила дастурхон атрофига түпленган пайтлари қарияниң ахволи янада ёмонлашарди. Қошиғидан түкілған овқатлар полгача тушар, пиёласидаги ширчой дастурхонни доғларга түлдириб борарди. Буни күриб хуноби ошған үғил ва келин үзаро маслаҳатлашишди:

- Нимадир қилмасак бўлмайди, – деди үғил.
- Чапиллатиб овқат ейиши, сут тўкиши, овқатларни ҳар томонга сочиб юбориши жонимга тегди.

Эр хотин хона бурчагига битта кичик хонтахта қўйишга қарор қилди. Қария шу ерда бир ўзи овқатлана бошлади. Икки марта коса синдирганидан кейин, тунука тарелкада овқат сузиб берадиган бўлишди.

Бир куни бехосдан ўғилнинг кўзи отасига тушиб қолди: бечора қариянинг кўзларида милт-милт ёш айланар, хонтахтанинг четига тикилганича тишилиз милкларида овқатни у ёқдан бу ёққа олиб ўтиради. Ўғилнинг юрагида кимдир бош кўтариб, мана шу мажолсиз чол сенинг отанг-ку, уни бир четга суриб қўйгани уялмайсанми, дегандай бўлди. Бироқ у бу ҳайқириққа эътибор бермади. Фақат чолни камроқ тергайдиган бўлди.

Тўрт ёшли невара ён-атрофида бўлаётган воқеаларни жимгина кузатарди.

Бир куни ишдан қайтган ота боласи ўйинчоқларини ёйиб олиб ўйнаётганини кўрди. У болғачаси билан ёғоч косачасини урап, косача зарб таъсирида у ёқ-бу ёққа юмалаб кетарди.

- Нима қиляпсан, ўғлим? – деб сўради ота меҳр билан.
- Онам билан сизга тарелка ясаяпман. Катта бўлсам, сизларга овқат солиб бераман, – деди болакай ғурур билан. Сўнг бир жилмайиб қўйди-да, яна ўз ишига киришди.

Унинг гаплари ота-онани қаттиқ ҳаяжонга туширди, икковлари ҳам мум тишилаган, нима дейишни билишмасди. Уларнинг кўзларидан қайноқ-қайноқ ёшлар томди. Гарчи бирор оғиз сўз айтишмаган бўлса-да, нима қилиш кераклигини яхши англаб туришарди.

Кечки овқат пайти ўғил қария отасининг қўлидан ушлаб, дастурхон бошига олиб келди. Яхши сўзлар айтиб, кўнглини олди, ухлаш пайти ўринга ҳам ўзи етаклаб бориб ётқизиб қўйди.

Энди қариянинг қўлидан қошиқ тушиб кетса ёки сут чойи тўкилса, ўғил ҳам, келин ҳам асабийлашмасди. Келин тушиб кетган қошиқни янгисига алиштириб берар, ўғил эса кўпинча отасини ўзи овқатлантириб қўярди!